

SLUŽBENI LIST

REPUBLIKE BOSNE I HERCEGOVINE



СЛУЖБЕНИ ЛИСТ

РЕПУБЛИКЕ БОСНЕ И ХЕРЦЕГОВИНЕ

Godina III - Broj 23

Petak, 26. augusta/kolovoza 1994.
SARAJEVOZa svaki broj posebno se
utvrđuje cijena
Žiro-račun 10100-603-1396

373

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na sjednici održanoj 26. avgusta 1994. godine, donijelo je

UREDBU SA ZAKONSKOM SNAGOM O IZMJENAMA UREDBE SA ZAKONSKOM SNAGOM O AMNESTIJI

Član 1.

U Uredbi sa zakonskom snagom o amnestiji ("Službeni list RBiH", br. 20/94 i 22/94)) u članu 2. riječi: "do 24. avgusta 1994. godine", brišu se.

Član 2.

Ova uredba objavljena je na oglasnoj tabli Predsjedništva RBiH dana 26. avgusta 1994. godine kada je stupila na snagu, a objavit će se i u "Službenom listu RBiH".

PR broj 1691/94
26. avgusta 1994. godine
Sarajevo

Predsjednik
Predsjedništva RBiH,
Alija Izetbegović, s. r.

374

Na osnovu člana 7. Zakona o zdravstvenoj zaštiti pripadnika oružanih snaga Republike Bosne i Hercegovine ("Službeni list RBiH", br. 21/93 i 13/94) ministar zdravlja, uz prethodnu saglasnost ministra odbrane, donosi

PRAVILNIK O NAČINU I POSTUPKU UPUĆIVANJA PRIPADNIKA ORUŽANIH SNAGA NA LIJEČENJE U INOSTRANSTVO

Član 1.

Ovim pravilnikom uređuje se način i postupak rješavanja zahtjeva za upućivanje pripadnika oružanih snaga Republike Bosne i Hercegovine (u daljem tekstu: pripadnici oružanih snaga) na liječenje u inostranstvo, uslovi pod kojima se pripadnici oružanih snaga upućuju na liječenje, prava koja pripadnici oružanih snaga imaju u vezi sa odlaskom na liječenje i druga pitanja u vezi sa upućivanjem pripadnika oružanih snaga na liječenje u inostranstvo.

Član 2.

Pod liječenjem u inostranstvu, u smislu ovog pravilnika, podrazumijeva se prvenstveno liječenje i rehabilitacija povrijeđenih i oboljelih usljed ratnih dejstava, kao i drugih oboljenja koja se ne mogu uspješno liječiti u Republici Bosni i Hercegovini (u daljem tekstu: Republika) u cilju spasavanja života, sprječavanja invaliditeta i osposobljavanja za radne obaveze.

Liječenje iz stava 1. ovog člana obavlja se u specijalizovanim stacionarnim ustanovama u inostranstvu.

Član 3.

Pravo na liječenje u inostranstvu pripadnici oružanih snaga ostvaruju pod uslovom da je ispunjen jedan od sljedećih medicinskih kriterija:

- ugroženost vitalnih funkcija sa realnim šansama da se u odgovarajućoj zdravstvenoj ustanovi u inostranstvu može spasiti život ili vitalni organ,
 - povrede koje zahtijevaju složenije rekonstruktivne i plastične zahvate,
 - oduzetost pojedinih dijelova tijela gdje je indicirana potreba za rekonstruktivnim zahvatom,
 - maligna oboljenja lica mlade životne dobi,
 - potreba za liječenjem i rehabilitacijom koja je uvjetovana kontinuiranošću prisutnih lijekova, aparata ili specifične tehnološke procedure,
 - amputirci, zbog potrebe za ugradnjom proteze koja je po svojoj složenosti takva da je nije moguće izraditi u Republici,
 - potreba za ugradnju drugih vrsta složenijih proteza.
- Pri davanju mišljenja o potrebi upućivanja na liječenje u inostranstvo organi utvrđeni ovim pravilnikom dužni su primjenjivati kriterije iz stava 1. ovog člana.

Član 4.

Postupak za upućivanje na liječenje u inostranstvo pokreće se na zahtjev pripadnika oružanih snaga, na prijedlog stacionarne zdravstvene ustanove u kojoj se pripadnik oružanih snaga liječi.

Član 5.

Zahtjev sa prijedlogom iz člana 4. za upućivanje pripadnika oružanih snaga na liječenje u inostranstvo podnosi se Ministarstvu zdravlja - Filijali zdravstvenog osiguranja prema mjestu prebivališta pripadnika oružanih snaga (u daljem tekstu: Filijala).

Član 6.

Zahtjev sa prijedlogom za upućivanje na liječenje u inostranstvo i odgovarajućom medicinskom dokumentacijom Fili-

jala dostavlja stručnom konziliju odgovarajuće klinike, odnosno druge stacionarne zdravstvene ustanove u Republici koja se bavi liječenjem povrede odnosno oboljenja za koje se traži odlazak na liječenje, radi pribavljanja mišljenja.

Izuzetno, zdravstvena organizacija iz stava 1. ovog člana može dati mišljenje o upućivanju na liječenje u inostranstvu i bez prethodno podnesenog zahtjeva, ukoliko se pripadnik oružanih snaga u njoj liječi.

Mišljenje dato na način iz stava 2. ovog člana smatraće se i prijedlogom u smislu člana 4. ovog pravilnika.

Stručni konzilij čine najmanje tri doktora medicine - specijalista od kojih su dva specijalisti za povredu odnosno oboljenje za koje se traži odlazak na liječenje.

Član 7.

Stručni konzilij daje mišljenje o potrebi upućivanja na liječenje u inostranstvo na obrascu koji je sastavni dio ovog pravilnika (OBRAZAC).

Član 8.

Na osnovu mišljenja stručnog konzilija Filijala donosi rješenje o upućivanju pripadnika oružanih snaga na liječenje u inostranstvo.

Rješenjem iz stava 1. ovog člana određuje se zemlja, mjesto i zdravstvena ustanova u koju se pripadnik oružanih snaga upućuje na liječenje, pratilac, ako je potreban, način i troškovi prevoza, visina naknada za troškove ishrane i smještaja u valuti zemlje u kojoj će se obaviti liječenje, rok u kojem se rješenje treba izvršiti, pouka o pravnom lijeku.

Član 9.

Rješenje iz člana 8. ovog pravilnika dostavlja se Ministarstvu zdravlja zajedno sa potrebnom medicinskom dokumentacijom prevedenom na jezik zemlje u koju se pripadnik oružanih snaga upućuje na liječenje.

Prevođenje potrebne medicinske dokumentacije mora biti izvršeno od strane sudskog prevodioca.

Član 10.

Po prijemu rješenja i medicinske dokumentacije iz člana 9. ovog pravilnika Ministarstvo zdravlja preko diplomatsko konzularnog predstavništva Republike obezbjeđuje prijem pripadnika oružanih snaga na liječenje u određenoj zdravstvenoj ustanovi u inostranstvu i vrši druge poslove utvrđene posebnim ugovorom zaključenim između Ministarstva inostranih poslova i Ministarstva zdravlja.

Član 11.

Rješenje kojim se odbija zahtjev za upućivanje na liječenje u inostranstvo sadrži razloge odbijanja i obavještenje u kojoj zdravstvenoj ustanovi u Republici se može nastaviti liječenje.

Član 12.

Protiv rješenja Filijale o upućivanju na liječenje u inostranstvo može se izjaviti žalba u roku od 15 dana od dana prijema rješenja.

Žalba se podnosi Ministarstvu zdravlja - Komisiji za liječenje u inostranstvu u drugom stepenu.

Komisiju iz stava 1. ovog člana čine najmanje tri člana iz reda vrhunskih stručnjaka iz raznih oblasti medicine, od kojih su najmanje dva člana specijalisti iz grane medicine u koju spada oboljenje koje je predmet razmatranja.

Članove Komisije za liječenje u inostranstvu u drugom stepenu imenuje ministar zdravlja.

Član 13.

Pripadnik oružanih snaga koji se upućuje na liječenje u inostranstvo može imati pratioca odnosno stručnog pratioca.

Stručni pratilac određuje se ukoliko je nužna primjena medicinskih intervencija tokom transporta.

Za više pripadnika oružanih snaga koji se istovremeno upućuju na liječenje u istu zemlju i isto mjesto može se odrediti jedan stručni pratilac.

Pravo na pratioca odnosno stručnog pratioca utvrđuje se na osnovu mišljenja stručnog konzilija.

Član 14.

Pripadnik oružanih snaga i njegov pratilac odnosno stručni pratilac imaju pravo na naknadu putnih troškova i dnevnica.

Član 15.

Pripadnik oružanih snaga ima pravo na jednu dnevnicu za vrijeme putovanja na liječenje u inostranstvo i jednu dnevnicu za povratak sa liječenja.

Pratilac odnosno stručni pratilac pripadnika oružanih snaga ima pravo na ukupno tri dnevnice za vrijeme odlaska i povratka iz inostranstva.

Član 16.

Dnevnice se obračunavaju u valuti zemlje u koju se pripadnik oružanih snaga upućuje na liječenje u visini dnevnica za službena putovanja u inostranstvo.

Član 17.

Isplatu dnevnica pripadnika oružanih snaga i pratioca vrši Ministarstvo zdravlja na osnovu rješenja o upućivanju na liječenje u inostranstvo.

Isplatu naknada za putne troškove u stvarnim iznosima vrši Filijala na osnovu rješenja i priloženih putnih karata.

Član 18.

Po obavljenom liječenju u inostranstvu pripadnik oružanih snaga i njegov pratilac dužni su, u roku od osam dana od dana povratka sa liječenja, dostaviti Ministarstvu zdravlja medicinsku dokumentaciju o obavljenom liječenju i obračun troškova.

Član 19.

Filijala zdravstvenog osiguranja vodi evidencije o broju pripadnika oružanih snaga koji se upućuju na liječenje u inostranstvo, vrsti oboljenja, i zemlji u kojoj se obavlja liječenje.

Na osnovu evidencija iz stava 1. ovog člana Filijala je dužna sačiniti izvještaj jedanput godišnje i dostaviti ga Ministarstvu zdravlja.

Član 20.

Ovaj pravilnik stupa na snagu danom objavljivanja u "Službenom listu RBiH".

Broj 07-11-26/94

10. juna 1994. godine
Sarajevo

Ministar zdravlja
prim. dr Mustafa Beganović, s. r.

OBRAZAC

Republika Bosna i Hercegovina
MINISTARSTVO ZDRAVLJA
SARAJEVO

MIŠLJENJE

O POTREBI UPUĆIVANJA PRIPADNIKA ORUŽANIH SNAGA NA LIJEČENJE U INOSTRANSTVO

Zdravstvena ustanova _____

Mjesto _____

Datum i broj: _____

OPŠTI PODACI

1. Prezime (ime oca) i ime pacijenta _____

Datum i mjesto rođenja _____

Zanimanje _____ spol: M Ž

Adresa i broj telefona _____

Broj lične karte ili pasoša _____

2. Osnovni podaci o
ranjavanju-povredi
odnosno oboljenju:Datum ranjavanja-povrede
odnosno nastanka oboljenja:

Tok liječenja _____

3. Dijagnoza: _____

4. Razlozi upućivanja
po osnovu medicinskih
kriterija: _____

5. Potreba za pratiocem Stručnim Drugo lice

Prezime, ime oca, i ime: _____
Zvanje: _____6. Naziv ustanova, mjesto
država u koju se upućuje: _____7. Vrsta potrebne
intervencije: _____8. Orijentaciona dužina
liječenja _____9. Članovi Stručnog
konzilija Ime, prezime, specijalnost
1. _____
2. Ime, prezime, specijalnost
3. Ime, prezime, specijalnost

10. Direktor zdravstvene ustanove: _____

M. P.

SLUŽBENE OBJAVE

PUTNE ISPRAVE

Ministarstvo unutrašnjih poslova objavljuje nevažećim sljedeće putne isprave:

- pasoš broj: BH-461549 izdat 24. 11. 1993. godine u Ambasadi RBiH u Beču, na ime KAZIJA FAHRUDIN;

- pasoš broj: BH-409085 izdat 28. 12. 1993. godine u G. K. RBiH u Minhenu, na ime ŠEHIĆ HIDAJET i

- pasoš broj: BH-416941 izdat 19. 02. 1994. godine u G. K. RBiH u Minhenu, na ime MARINKOVIĆ SAVO.

Navedene putne isprave proglašene su nevažećim, rješenjem Generalnog konzulata RBiH u Minhenu, broj: 2830/94 od 28. 07. 1994. godine. (so-248/94)

Ministarstvo unutrašnjih poslova objavljuje nevažećim sljedeće putne isprave:

- pasoš broj: BH-249217 izdat 30. 12. 1993. godine u SUP-u Sarajevo, na ime DŽANO RASEMA i

- pasoš broj: BH-119977 izdat 21. 03. 1994. godine u SUP-u Sarajevo, na ime ALIBAŠIĆ MEMSUR.

Navedene putne isprave proglašene su nevažećim, rješenjem Generalnog konzulata RBiH u Štutgartu, broj: V-SS-733/94 od 29. 07. 1994. godine. (so-249/94)

Ministarstvo unutrašnjih poslova objavljuje nevažećim sljedeće putne isprave:

- pasoš broj: BH-250686 izdat 21. 10. 1993. godine u G. K. RBiH u Štutgartu, na ime HUSETIĆ ARIJANA,

- pasoš broj: BH-261750 izdat 02. 10. 1993. godine u G. K. RBiH u Štutgartu, na ime MANDALOVIĆ AVDO,

- pasoš broj: BH-146759 izdat 17. 09. 1993. godine u G. K. RBiH u Štutgartu, na ime MUJANIĆ MUHAREM,

- pasoš broj: BH-269541 izdat 13. 10. 1993. godine u Ambasadi RBiH u Ljubljani, na ime IKANOVIĆ JASMINA,

- pasoš broj: BH-188211 izdat 22. 07. 1993. godine u G. K. RBiH u Štutgartu, na ime ZAJKOVIĆ IBRAHIM,

- pasoš broj: BH-344841 izdat 20. 12. 1993. godine u G. K. RBiH u Štutgartu, na ime MAZIĆ MATO i

- pasoš broj: BH-127943 izdat 20. 07. 1993. godine u Ambasadi RBiH u Bonu, na ime MUHAREMOVIĆ AZIZ.

Navedene putne isprave proglašene su nevažećim rješenjem G. K. RBiH u Štutgartu broj: 650/94 od 04. 07. 1994. godine. (so-251/94)

LIČNE ISPRAVE I DOKUMENTI

DA BI SE IZBJEGLA SVAKA ZLOUPOTREBA
SLJEDEĆA DOKUMENTA SE OGLAŠAVAJU NEVAŽEĆIM

SARAJEVO

Blažević Nihad, vojna knjižica 1231658 izdata od SNO
Stari grad Sarajevo (so-252/94)

Zečević Alma, radna knjižica izdata od SO Centar Sarajevo 4813

Sejdić Halil, diploma Prirodno-matem. fakulteta Sarajevo 4814

Buza Sead, radna knjižica izdata od SO Novo Sarajevo 4815

Omeragić Dženana, radna knjižica izdata od SO Novi Grad Sarajevo 4816

Njegović Mustafa, rješenje i odobrenje za rad taksi vozača
izdato od SO Centar Sarajevo 4817Pindžo Almir, vojna knjižica br. 3466895 VJ 5021 izdata od
SNO Novi Grad Sarajevo 4818Hasanbegović Osman, devizna štedna knjižica br. 1015218 iz-
data od PB Sarajevo 4819Vručak-Grabovica Zuhra, radna knjižica izdata od SO Centar
Sarajevo 4820Haskić Jasit, vojna knjižica br. 3466693 izdata od SNO Novi
Grad Sarajevo 4821

Škopo Alma, radna knjižica izdata od SO Novo Sarajevo 4822

Sadiković Vasvija, diploma Više ekonom.-komerc. škole Sara-
jevo 4823

Pandžo Jasmina, svedočanstvo II i III razreda IV Gimnazije 4824